

ASTUA, EULIYA ETA ARMIARMA.



Errotara zijuan
 Asto bat kargakiñ
 Mutill koškor chiki bat
 Zubela berekiñ,
 Mutilla kontentu zan
 Bere jorনারakiñ
 Non ote zan errota
 Nai zuela jakiñ.

Aitaren leziyuak
 Mutillak arturik,
 Alai asko zijuan
 Astoaren atzetik,
 Etzan ikaratutzen
 Bidearengatik,
 Chistuba juaz lasai
 Jarri zan aurretik.

Bi ordu pasa ziran
 Echetik irtenta
 Eta mutill koskorra
 Kejatzten astenda,
 Astuaren ondora
 Segidan joan da,
 Bere artian esanaz
 ¡Errot' ori non da!

Beste ordu erdi bat
 Pasatu zanian
 Astua gelditzen zan
 Errotako atian,
 Mutilla sarturikan
 Eche barrenian,
 Sarri zuben nausiya
 Beraren aurrian.

Ango lanak eginta
 Zuzen zan abiya,
 Errotan arturikan
 Trukara berriya,
 Astua egonikan
 Oso igarriya
 Zutik jarritzen zuben
 Berak belarriya.

Orla bide erdira
 Iya alderatuan,
 Euli pilla bat zegon
 Bere inguruan:
 Igarorik astua
 Chit pauso mantsuan,
 Euliyen zimikuak
 Sentitu zituan.

Ukullura zankuak
 Sarturik astuak,
 Berari eltzeko prest
 Zeuden pistichuak:
 Armiamak, beterik
 An zeuden chokuak,
 Astoari ekiteko
 Guztiz zaletuak.

Karga ziotenean
 Astuari atera,
 Laster joan zan barrena
 Lastua jatera;
 Euliyak berarekin
 Ukullu aldera,
 Bai ere armiamak
 Orduan lanera.

Astoaren gañean
 Joan ziran euliyak
 Laster gelditu ziran
 Presorik guztiyak;
 Armiamaren sarean
 Denak eroriyak,
 An gelditu ziraden
 Galdurik biziyak.

.
 Orregatikan beti
 Chit zaigu komeni
 Pakean utzitzea
 Albada besteri,
 Euliyak gaitz egin naiz
 Asto gaişuari,
 Armiamaren mende
 Ziraden erori.

ZIRILO ERKIZIA.

ERREGIAK DATOZ....

Munduko denak ikusten ditut
 Jesus-Aurra adoratzen,
 Denen artean, Jesusen lagun,
 Aur bat detala arkitzen:
 Aita lurpian, amaren eskuz
 Chutik doi-doi zait agertzen,
 Umezurtz orri begi onakiñ
 Nórk ez dio begiratzen!

ANTONIO ARZÁC.
